

Madurese - Makowat Alketab - Comfort Scriptures

2 Korintus 1:2-4 ngarep mogamoga Jehovah Ramana sampeyan sareng kaula sadaja sarta Goste Isa Almasih apareng berkat sareng kataremtemman ka sampeyan sadaja. 3 Tore asokkor ka Jehovah Ramana Goste Isa Almasih. Salerana Rama se paleng sae, ban Jehovah se apareng kakowadan ka manossa. 4 Salerana makowat ate kaula sadaja e dhalem kasossa'an se eadhebbi kaula sadaja, sopaja kalaban kakowadan se etarema kaula sadaja dhari Jehovah ganeka kaula sadaja jugan bisa makowat atena reng-oreng se ngadhebbi kasossa'an.

Parompama'an - Bangsalan 15:13 Se senneng atena binar mowana; ate sossa maorem sonarra mata.

1 Ratona - 1 To-Rato - 8:66 E are se kapeng ballu' reng-oreng jareya bi' Sulaiman epakon mole. Kabbi padha ngalem Sulaiman, saellana pas padha mole ka bengkona; atena perak polana PANGERAN la apareng berkat ka Daud abdina sarta ka bangsa Isra'il ommadda.

1 Kronika - 1 Babad 16:10 Salerana jareya PANGERAN Se Settong; mara paperak atena sabab sengko' ban ba'na reya kaagunganna; pa'-sapa'a se nyemba ka Salerana mara padha anga-bunga.

Parompama'an - Bangsalan 12:25 Kakobateran e dhalem ate mapotong samangat, tape caca se manes maraja ate.

Parompama'an - Bangsalan 13:12 Mon pangaterro ta' katekkan ate sompek ta' karowan; mon pangaterro katorodan, ate gumbira.

Yesaya 30:26 Bulan bakal tera'a akantha are, ban are bakal makalowara sonar se tera'na pettong kalena se biyasana, akantha tera'na are se abidda pettong are epasettong. Jareya kabbi bakal kadaddiyan e bakto PANGERAN abetbet ban mabaras ka-lokana ommadda se la ebukbuk bi' Salerana.

Hoseya 13:8 Sengko' nyerranga ba'na akantha baruwang se kaelangan dhu'-budhu'na. Bi' Sengko' ba'na ebit-sebbida. Akantha macan Sengko' nyargebba ba'na e kennengnganna, ban akantha burun alas galak Sengko' bit-nyebbida ba'na.

1 Samuwel 1:8-10 Biyasana lakena, Elkana, atanya kantha reya, "Hana, arapa ba'na me' nanges? Arapa ba'na me' ta' endha' ngakan? Ban arapa ba'na me' sossa terros? Apa sengko' reya ka ba'na ajina ta'

alebbiyan dhari ana' sapolo oreng?" 9/10 E settong are, saellana Elkana sabala mare ngakan e Padalemman Socce e Silo, Hana jaga dhari meja makan. Atena ce' sossana, sambi nanges sasegunen Hana adu'a ka PANGERAN. E bakto jareya, imam se anyama Eli teppa'na badha e Padalemman Socce jareya, alenggi e korse e seddi'na labang.

Jabur 25:16,17 Oladi abdidalem, kabellasi abdidalem, GUSTE, sabab abdidalem kadibi'an sareng ta' gadhuwan kakowadan. 17 Kasossa'an abdidalem sajan atamba, bebassagi abdidalem dhari karekongan.

Jabur 34:18(19) PANGERAN semma' ka oreng se kene' ate; oreng se kaelangan samangat epasalamet.

Jabur 38:8(9) Abdidalem ce' lessona, ta' gadhuwan kakowadan pole, ro-serrowan lantaran posang rassana ate.

Jabur 55:4(5) Abdidalem ngalengsang e dhalem ate, katako'en ngadhebbi babaja pate.

Jabur 61:2,3(3,4) Sabab Junandalem pangaoban abdidalem, partahanan se kowat e dhalem ngadhebbi moso. 5 Nyo'ona edi abdidalem ngamponga kennengngan e kemahepon Junandalem saomorra, sopaja abdidalem aman ngaop e babana kalembangngepon Junandalem.

Jabur 62:8(9) He tang bangsa, mara terros nyo'on ka Jehovah; totorragi essena atena ba'na ka Salerana, sabab Salerana jareya pangaobanna ba'na.

Jabur 73:26 Sanajjan sokma sareng badan abdidalem ta' kowat, Junandalem kakowadan abdidalem, Guste Jehovah; namong Junandalem se ekaandhi' abdidalem salanjangnga.

Jabur 77:2,3(3,4) E dhalem karekongan sengko' adu'a ka Pangeran; sengko' ngangka' tang tanang samalem benteng nyo'on ka Salerana tadha' busenna, tape sengko' ta' nemmo panglepor ate, 3(4) Bila sengko' enga' ka Guste Jehovah sengko' aserro, bila sengko' ker-mekker, tang ate sajan lesso.

Jabur 86:11 Duduwagi ka abdidalem se daddi kasokannepon Junandalem, GUSTE, sareng abdidalem etoro'a kalaban esto; ajari abdidalem daddi oreng alem se ta' nga-satengnga.

Jabur 109:22 Sabab abdidalem mesken sareng nyangsara, ate abdidalem loka ce' dhalemma.

Jabur 112:7,8 Oreng jareya ta' tako' narema kabar juba', atena koko lantaran parcaja ka PANGERAN. 8 Oreng jareya ta' kobater otaba

tako' atena, sabab yakin mosona tanto epakala.

Jabur 143:4 Abdidalem ampon ta' gadhuwan samangat, ate bingong ta' karowan.

Jabur 147:3 Salerana mabaras oreng se kaelangan pangarebban, sarta abetbet ka-lokana.

Parompama'an - Bangsalan 14:30 Se taremtem atena baras badanna; ere ate padha ban panyaket se madhateng pate.

Pangkotbah 1:13 Sengko' la atekat nalektegana ban ajara kalaban bicaksana parkara sabarang se kadaddiyan e dunnya reya.

Papasthen se esadhiya'agi Jehovah ka sengko' ban ba'na mangennes onggu.

Pangkotbah 2:10 Sengko' norodi apa'a bai se ekaterro sengko'. Sengko' ta' tao ngampet pangaterro kaangguy ane'madi kasennengngan apa'a bai. Sengko' arassa gumbira polana hasella sabarang se elakone sengko', ban jareya tang opa.

Pangkotbah 2:22,23 Saomorra manossa alako berra' ban malarat; pas kemma hasella pello konengnga se bisa magumbira atena? 23 Apa'a bai se elakone saomorra, madhateng kasossa'an ban sake' ate monggu ka aba'na. E baja malem atena ngalengsang keya. Daddi jareya parcoma kabbi.

Pangkotbah 11:10 Buwang kakobateran ban kasossa'anna dhari atena, sabab bakto ngodha reya ta' saapa abidda.

Yesaya 30:29 Tape ba'na, ommadda Jehovah, bakal peraga ban anyanye akantha e bakto araya'agi paraya'an agama. Ba'na bakal sennengnga akantha reng-oreng se ajalan se eerengngagi soleng entara ka Padaleman Socce, se abillai Isra'il.

Yesaya 57:15 Sabab kantha reya dhabuna Jehovah Se Mahatenggi ban socce, se kobasa salanjangnga, "Sengko' badha neng e kennengngan se tenggi ban se socce, tape Sengko' badha keya e antarana reng-oreng se andhap asor, ban se atobat dhari sa-dusana, sopaja Sengko' bisa'a mabali samangat ban pangarebbanna reng-oreng jareya.

Yesaya 65:14 Ongguwan, reng-oreng jareya bakal rak-soragana kaperagen, tape ba'na bakal nangesa ce' ngennessa.

Yesaya 66:13,14 E Yerusalim bi' Sengko' ba'na elepora akantha ebu se alepor ana'na. 14 Mon nangale'e jareya ba'na tanto gumbira, ba'na tanto pas baras ban soga' akantha rebba se ngodha. Tang abdi kabbi tanto pas ngalame Tang kakobasa'an, ban Tang so-moso bakal ngarassa'agiya peggella Tang ate."

Yeremiya 15:16 Manabi Junandalem abu-dhabu, sabban keccap sareng abdidalem eperengngagi. Abdidalem ka'dhinto kaagungannepon Junandalem, PANGERAN, Jehovah Se Mahakobasa, daddi sadaja dhabuepon Junandalem masenneng sareng maperak abdidalem.

Yeremiya 24:7 Bi' Sengko' epaterrowa ngarteya ja' Sengko' reya PANGERAN. Daddi reng-oreng jareya bakal daddiya Tang ommat, ban Sengko' daddiya Jehovahna, sabab reng-oreng jareya abaliya ka Sengko' kalaban gu-onnggu ate.

Yahya 14:1 "Ba'na ta' osa kobater otaba ngalengsang," ca'na dhabuna Isa ka red-moredda. "Paparcaja ka Jehovah, ban paparcaja keya ka Sengko'.

Yahya 14:27 Ba'na edina'ana kataremtemman bi' Sengko'. Tang kataremtemman dibi' se bi' Sengko' ebagiya ka ba'na. Se ebagiya bi' Sengko' reya ta' padha ban baberri'na dunnya ka ba'na. Ja' ngalengsang, ja' tako'.

Yahya 16:6 Sateya saellana jareya kabbi bi' Sengko' ekabala ka ba'na, ba'na la'-mala' laju sossa atena.

Yahya 16:22 Bariya keya ban ba'na: Sateya ba'na sossa atena, tape Sengko' tatemmowa pole ban ba'na, daddi atena ba'na bakal peraga; ban tadha' oreng se bisa'a ngala' kaperagan jareya dhari atena ba'na. Caretana Para Rasul 2:46 Sabban are reng-oreng jareya terros akompol e Padalemman Socce; ban ngakan areng-bareng kalaban ate gumbira tor andhap asor e ko-bengkona.

**Roma 9:2 Kaula ce' sossana ban ate paneka ce' nyangsarana
2 Korintus 2:4 Kaula noles sorat ka sampeyan kalaban ate ngennes ban berra' ban aeng mata ngalocor ce' bannya'na. Maksod kaula banne sopaja sampeyan sossa, nangeng me' olle sampeyan apangrasa ja' kaula ce' taresnana ka sampeyan sadaja.**

Efesus 5:19 Mon sampeyan abu-dhabu, angguy ca'-oca' dhari jabur, kejung ji-pojiyan sareng nyanyeyan rohani. Mon anyanye gu-laggupojiyana ka Pangeran, toro'e ate se gumbira.